



**ԵՐԵՎԱՆ ՔԱՂԱՔԻ ԱՌԱՋԻՆ ԱՏՅԱՆԻ  
ԸՆԴՀԱՆՈՒՐ ԻՐԱՎԱՍՈՒԹՅԱՆ ՔԱՂԱՔԱՑԻԱԿԱՆ ԴԱՏԱՐԱՆ**

**ՈՐՈՇՈՒՄ  
ՀԱՅՅԱԴԻՄՈՒՄԸ ՎԱՐՈՒՅԹ ԸՆԴՈՒՆԵԼՈՒ,  
ԱՊԱՑՈՒՅՑ ՊԱՀԱՆՁԵԼՈՒ ԵՎ  
ԴԱՏԱԿԱՆ ՆԻՍՏ ՆՇԱՆԱԿԵԼՈՒ ՄԱՍԻՆ**

ք.Երևան

23.11.2023թ.

Երևան քաղաքի առաջին աստանի ընդհանուր իրավասության քաղաքացիական դատարանը՝ նախագահությամբ դատավոր Արտուշ Ավագյանի, քննության առնելով թիվ ԵՂ2/33045/02/23 քաղաքացիական գործով ըստ հայցի <<ԳՐԻՆ ՕՊՇՈՆ>> ՍՊԸ-ի և <<Պրեմիում Շին>> ՍՊԸ-ի ընդդեմ ՀՀ Լոռու մարզի Տաշիրի համայնքապետարանի՝ <<ԳՐԻՆ ՕՊՇՈՆ>> ՍՊԸ-ին և <<Պրեմիում Շին>> ՍՊԸ-ին գնումների գործընթացին մասնակցելու իրավունք չունեցող մասնակիցների ցուցակում ներառելու մասին ՀՀ Լոռու մարզի Տաշիրի համայնքի ղեկավարի առաջին տեղակալ Ն. Բաղդասարյանի 2023թ. Սեպտեմբերի 25-ի թիվ 968-Ա որոշումն անվավեր ճանաչելու պահանջի մասին, հայցադիմումը վարույթ ընդունելու և ապացույց պահանջելու մասին հարցը

**ՊԱՐԶԵՑ**

<<ԳՐԻՆ ՕՊՇՈՆ>> ՍՊԸ-ի և <<Պրեմիում Շին>> ՍՊԸ-ի կողմից հայցադիմում է ներկայացվել Երևան քաղաքի առաջին աստանի ընդհանուր իրավասության քաղաքացիական դատարան (այսուհետև նաև՝ Դատարան) ընդդեմ ՀՀ Լոռու մարզի Տաշիրի համայնքապետարանի՝ <<ԳՐԻՆ ՕՊՇՈՆ>> ՍՊԸ-ին և <<Պրեմիում Շին>> ՍՊԸ-ին գնումների գործընթացին մասնակցելու իրավունք չունեցող մասնակիցների ցուցակում ներառելու մասին ՀՀ Լոռու մարզի Տաշիրի համայնքի ղեկավարի առաջին տեղակալ Ն. Բաղդասարյանի 2023թ. Սեպտեմբերի 25-ի թիվ 968-Ա որոշումն անվավեր ճանաչելու պահանջի մասին:

Երևան քաղաքի առաջին աստանի ընդհանուր իրավասության քաղաքացիական դատարանի/դատավոր՝ Արշակ Պետրոսյան/ 16.10.2023թ. որոշմամբ հայցադիմումը և կից փաստաթղթերը վերադարձվել են հայցվորներին: Հայցվորների կողմից 01.11.2023 թվականին, այն կրկին ներկայացվել է Դատարան:

Դատարանի/դատավոր՝ Ավագ Գաբրիելյան/ 06.11.2023թ. որոշմամբ հայցադիմումը և կից փաստաթղթերը վերադարձվել են հայցվորներին: Հայցվորների կողմից հայցադիմումում թույլ տրված խախտումները վերացնելուց հետո 15.11.2023 թվականին, այն կրկին ներկայացվել է դատարան:



Քաղաքացիական գործը 17.11.2023թ.-ին մակագրվել է դատավոր Արտուշ Ավագյանին, իսկ դատավորի կազմին է հանձնվել 20.11.2023թ.-ին:

ՀՀ քաղաքացիական դատավարության օրենսգրքի 125-րդ հոդվածի 1-ին մասի համաձայն՝ Առաջին աստիճանի դատարանը վարույթ է ընդունում ներկայացված հայցադիմումը, եթե առկա չեն հայցադիմումի ընդունումը մերժելու կամ այն վերադարձնելու հիմքերը:

ՀՀ քաղաքացիական դատավարության օրենսգրքի 201-րդ հոդվածի 1-ին մասի համաձայն՝ Դատարանները հատուկ հայցային վարույթներն իրականացնում են սույն օրենսգրքով նախատեսված գործի քննության ընդհանուր կանոնների համաձայն, այն հատուկ կանոնների պահպանմամբ, որոնք սահմանված են սույն ենթաբաժնի դրույթներով:

ՀՀ քաղաքացիական դատավարության օրենսգրքի 234.5-րդ հոդվածի 1-ին մասի համաձայն՝ Դատարանը սույն գլխով սահմանված կարգով քննում և լուծում է «Գնումների մասին» Հայաստանի Հանրապետության օրենքի 46-րդ հոդվածի 1-ին մասով սահմանված՝ պատվիրատուի և գնահատող հանձնաժողովի գործողությունների (անգործության) և որոշումների բողոքարկման հետ կապված վեճերը:

ՀՀ քաղաքացիական դատավարության օրենսգրքի 234.9-րդ հոդվածի 1-ին մասի համաձայն՝ Դատարանը սույն գլխով նախատեսված վեճերով գործերը քննում և դրանց վերաբերյալ վճիռները և որոշումները կայացնում է գրավոր ընթացակարգով, բացառությամբ այն դեպքերի, երբ դատարանը գործին մասնակցող անձի միջնորդությամբ կամ իր նախաձեռնությամբ եկել է եզրահանգման, որ անհրաժեշտ է գործը քննել դատական նիստում:

Սույն հոդվածի 4-րդ մասի համաձայն՝ Գործը դատական նիստում քննելու հարցը կարող է լուծվել նաև հայցադիմումը վարույթ ընդունելու մասին որոշմամբ:

Դատարանը, ուսումնասիրելով ներկայացված հայցադիմումը, արձանագրում է, որ այն վերադարձնելու կամ ընդունումը մերժելու հիմքեր առկա չեն և գտնում է, որ այն ենթակա է վարույթ ընդունման և հաշվի առնելով ՀՀ քաղաքացիական դատավարության օրենսգրքով գնումների հետ կապված վեճերով վարույթների համար նախատեսված առանձնահատկությունները, Դատարանը գտնում է նաև, որ միաժամանակ անհրաժեշտ է Պատասխանողից պահանջել ՀՀ քաղաքացիական դատավարության օրենսգրքով սահմանված ապացույցները:

Անդրադառնալով գործը դատական նիստում քննելու հարցին, դատարանն արձանագրում է, որ հայցադիմումին կից ներկայացվել է նաև միջնորդություն՝ գործը դատական նիստում քննելու մասին, ինչպիսի հանգամանքներում, Դատարանը գտնում է, որ սույն գործով անհրաժեշտ է նշանակել դատական նիստ:

Ելնելով վերոգրյալից և ղեկավարվելով ՀՀ քաղաքացիական դատավարության օրենսգրքի 199-200-րդ, 201-րդ, 202-րդ, 234.5-րդ, 234.6-րդ, 234.9-րդ հոդվածներով

### ՈՐՈՇԵՑ

1. «ԳՐԻՆ ՕՊՇՈՆ» ՍՊԸ-ի և «Պրեմիում Շին» ՍՊԸ-ի հայցն ընդդեմ ՀՀ Լոռու մարզի Տաշիրի համայնքապետարանի՝ «ԳՐԻՆ ՕՊՇՈՆ» ՍՊԸ-ին և «Պրեմիում Շին»



ՄՊԸ-ին գնումների գործընթացին մասնակցելու իրավունք չունեցող մասնակիցների ցուցակում ներառելու մասին ՀՀ Լոռու մարզի Տաշիրի համայնքի ղեկավարի առաջին տեղակալ Ն. Բաղդասարյանի 2023թ. Սեպտեմբերի 25-ի թիվ 968-Ա որոշումն անվավեր ճանաչելու պահանջի մասին, ընդունել վարույթ:

2. Գործը քննել հատուկ հայցային վարույթի կարգով:

3. Պատասխանող ՀՀ Լոռու մարզի Տաշիրի համայնքապետարանից պահանջել ՀՀ ԼՍՏՀ-ՀԲՄԱՇՁԲ-23/105 ծածկագրով գնման գործընթացի հետ կապված վերջինիս տիրապետման տակ գտնվող բոլոր ապացույցները:

4. Որոշման նախորդ՝ 3-րդ, կետում նշված ապացույցները պատասխանողի կողմից պետք է ներկայացվեն սույն որոշումը ստանալուց հետո՝ հնգօրյա ժամկետում:

5. Գործը քննել դատական նիստում, այն նշանակել՝ 13.12.2023թ. ժամը 16:00-ին՝ Երևան քաղաքի առաջին ատյանի ընդհանուր իրավասության քաղաքացիական դատարանի Էրեբունի նստավայրում՝ ք.Երևան, Խորենացի 162ա հասցեում, թիվ 2 դատական նիստերի դահլիճում:

Որոշումն օրինական ուժի մեջ է մտնում կայացման պահից և ենթակա չէ բողոքարկման:

ԴԱՏԱՎՈՐ՝  ԱՐՏՈՒՇ ԱՎԱԳՅԱՆ 

